

慶州李氏忠穆公派譜序

譜豈易言哉祖先之根源以是而明焉子孫之昭穆以是而正焉族親之孝悌以是而生焉究厥所由大有關於政教而慎且重矣竊惟我慶州李氏由羅歷麗至于漢陽上下二千年間子姓蕃衍乃公乃卿前後相望寔爲東方之鉅族而顯閥也譜書之昉於何代今無可攷處尙矣至 肅廟甲子始刊全帙 憲廟戊申分刊菊堂文孝公派譜厥後大小之譜凡有四回之刊焉挽近甲戌大譜丙申派帙之次第續修於大田者是也于時余猥叅重任而族孫昶雨君從余同役其聰明強記迥出儕流乃就文孝公派帙中抄出忠穆公後名單別爲二冊其編次規模一遵舊例至於生卒事行尤加致詳焉且收拾世傳文獻之若干摸得先代墓圖之幾幅弁於卷首以寓感慕何其誠勤之摯也其校正正書之任各有所擔云將付剞劂也徵序於余余以文拙固辭不獲謹案忠穆公即我鰲山府院君悟齋先生八胤之第二房而在 穆陵朝宣武功臣之一也德業文章巍勳徽績載在國乘不待家譜而傳之百世矣至若子孫錄瞭然如掌紋於一篇之中其於溯根源序昭穆惇孝悌之道舍是而奚求也哉噫書此

以爲序戊戌復月之上澣忠穆公從十世孫圭廈謹序

壬戌派譜序

禮曰尊祖敬宗敬宗故收族收族之道莫如修譜焉載昔戊申年間始刊菊堂文孝公派帙而厥後癸酉戊午之續修者是也顧念後承漸繁其麗不億而雖以尊祖敬宗之義篤於收族而刊譜然亦不無遺漏於工役之煩劇者蓋因諸宗之散在八域而未及周知之故也今依家乘例別爲忠穆公派譜者實爲無遺致詳之方而亦在簡便易爲藏守之計也有時奉玩克敦孝悌上而無忝於祖先下而垂範於後昆豈非相勉之責歟庸是惟望于同派之諸族焉壬戌夏裔孫通訓大夫行內部主事鍾學謹序

舊譜序

英廟戊辰

慶州之李寔東方舊族也漢宣帝時始祖以楊山村長佐羅祖開國而儒理王賜姓李氏古者軒轅之王天下也有子二十五人其得姓者十四則是有土有官得以爲姓也開國功臣之賜姓豈以是歟周禮樂官司商定音律制姓名鄭公孫揮辨於大夫之族姓班位貴賤姓氏分別其來亦久矣漢晉以後紀譜志族盛於歷代而歐陽公取法於史氏之年表蘇老泉取法於禮家之宗統黃山谷譜七世以上疑不能明者略而不著蓋慎之也我東三韓之世文獻無徵新羅百濟高句麗派分鼎峙爲干戈疆域而史牒不全況於氏族之譜系乎李氏始祖以下爲羅世臣而譜錄無傳至羅季蘇判公紀其世次按羅史世家大族號稱眞骨大骨而蘇判秩貴惟眞骨得授是職則可知其世爲貴族也蘇判之孫事麗太祖仍繼世簪纓僕射公有三子皆以文章大顯益齋眉州詩序吾大人三昆季雖不敢自比於蘇家父子亦可以名動一世非誇也三世八卿四文衡五魁元古亦未有趙簡詩具慶提衡罕見聞閔漬詩華萼三家五榜魁者是也逮乎我朝名公碩輔節義文章考諸名臣錄文衡譜鼎席盟府玉署藝苑

諸錄彬彬相望支派蕃衍而無一染涉於凶險汚辱此莫非祖先懿範休澤之所及而凡爲子孫者其可不思勉飭繼述之道乎舊譜之刊甲子重回諸派之孫已易三世皆當追錄故又此續成審稽遺文旁據諸譜而正其訛舛補其闕略參用年表宗統之遺法舊譜之未備者旁註添錄而疑者闕之亦致慎之意也程子曰管攝天下人心收宗族厚風俗使人不忘本須是明譜系收世族立宗子法今我同宗之人本出於一人之身而轉爲面目不知聲聞不及之人其不至於相戕剪同禽獸者其幾希顧念其本寧不懍然宗法譬猶木之正榦分而爲枝又有旁枝達而爲榦所謂天子建國諸侯奪宗而亦各有大宗小宗親疎近遠之分同五世爲近宗同十世爲遠宗溯以上之雖百世千世亦同宗也近者親而遠者疎亦天理之節文而同宗則同本不識而不相聞而不同於路人者以譜系之明也人既尊祖重本而推其孝悌之心則朝廷之勢自尊今此世譜之修不但收族敦宗而尙亦有助於聖朝厚俗之政教云裔孫嘉義大夫行承政院都承旨兼經筵叅贊官春秋館修撰官藝文館直提學尙瑞院正重協謹序

舊譜跋

嗚呼此吾慶州李氏之譜也譜凡十六冊始吾宗老三湖公以修譜爲己任譜既修三湖公遽歿譜顧在三湖公篋笥一日族祖世晉氏語余曰譜修不印則與不修同子盍圖所以印之余應之曰修之在誠誠固吾宗人所世篤者印之在財財非吾宗人所易具者也將何以圖之族祖曰有誠則有物子其試發書於是議諸宗爲書八紙送于八路路各一人使其一人播告於其路之宗人期以三月晦鳩財會京師時戊辰正月下浣日也及期群宗人累累來踵門咸以財相役財幾具矣又無人善掌事者宗人錫采徵鳳萬甲湖南士也乃慨然自當夙夜敦工不怠七十日而告訖卒使吾李氏之譜行于世嗚呼族祖之言信矣向使吾宗人無世篤之誠者三湖公不能修譜矣群宗人不能鳩財矣湖南之宗又不能完其事矣是可書也冊成而宗人命余文遂書此以爲跋裔孫通政大夫刑曹叅議衡萬謹跋

同宗楔序

白沙文忠公所述

當堯之時治獄之吏謂之理官有能舉職者以官授姓因聲自近遂爲李氏周

末守藏史老聃托胎七十年指李而生故亦姓李逖矣二說杳難悉究自是以降根培條暢柯葉遠布至我東方寔維我祖所居成聚衆推爲長世謂之沙梁大人以漢地節元年糾率六部翊戴羅祖肇基王業上下千有七百年間鉅人長德譜不絕書三韓壁記孰與高下不朽有三世祿不稱焉則世家編戶者若是乎無輕重哉然孟子曰所謂故國者有世臣之謂也若保姓不墜爲國巨室與同休戚則誇宗尊族之論又豈可少之哉唯是親屬旣竭支分派別服窮於上戚單於下以至於喜不慶憂不吊路上相逢一揖馬鞭者亦幾希矣嘗聞禮曰同姓從宗合族屬又曰尊祖敬宗敬宗故收族君子因睦而合族於是族食之禮興而遂以是爲重吾宗李光陽宗彥甫興言及此怵然傷之倡議子姓倣古合族之禮以修楔事遂徵序於余余曰靈椿敷葉蔭于通衢而其本一根之萌也大姓毓慶遍于天下而其初一人之身也一而爲三三而爲五五而爲九下殺旁殺而親乃畢矣枿於句萌沾潤菩蕾脉連於根者遠揚至於南北生之膝下喘息呼吸氣通於親者子孫至於途人不亦悲哉抑余有一說爲諸君勗之晉謝唐崔雖稱華胄一世之後後孫不免廝役無德故也唯御龍豕韋唐

杜及范歷三代而益大者世修其德故也吾宗不振久矣詩曰無念爾祖聿修厥德今念祖修德其惟望于諸君

吾宗舊無譜宗人侍郎重協氏積歲月之功始有成書既印行以先祖白沙先生同宗楔序弁其卷蓋爲敬宗合族之義楔與譜無異而念祖修德之訓今與古均也小子更何述焉仍念先祖之以謝崔范氏爲喻者其旨深矣雖然范氏之德視謝崔則固遠矣若穆叔之論則必以立德立事爲不朽而范氏之保姓守宗爲祿之大者其論亦篤矣且以吾先言之沙梁大人之德至千有餘年歷三代而代有公卿是則豕韋唐杜之祿莫或尙之若惟白沙先生身服乎禮義而道光於彝倫此正古人所稱立德立事爲不朽之烈者也凡爲先祖之雲仍旁枝者思所自修旣無替沙梁世祿之遺而亦必紹白沙不朽之烈則可謂無忝厥祖矣余又以爲同宗告焉若其收輯之勤凡例之詳侍郎自有序云白沙先生五世孫宗城敬識

始祖諱謁平

一世

遠代孫

居明

蘇判○新羅官制蘇判
惟真骨受之唐令狐澄
新羅記新羅貴族謂之
真骨始祖以下失系李
牧隱撰益齋公墓誌只
載蘇判公以下

二世

子金現

兵部令○新羅法興王
置兵部令大阿餐角干
爲之得兼宰相羅麗習
俗父子襲名如嬪幸子
仁幸襲直子直達是也
公之父子以金字名恐
是此例

三世

子金書

中原太守戶部郎中始
仕高麗
配慶州金氏新羅敬順王
溥女新興王孝宗孫懿
興王實虹曾孫高麗太
祖外孫號新鸞宮夫人
敬順王納土入朝高麗
太祖妻以長女樂浪公
主比之新鸞賜號其宮
○麗初李開亦以慶州
之李爲陝川戶長仍貫
江陽云江陽即陝川屬
縣也

四世

子潤弘

兵正○高麗仍置兵部
令及兵正秩視宰相

五世

子承訓

正朝侍郎○高麗官制
內史侍郎門下侍郎平
章事中書侍郎選秩六
品卿職七品曰正朝

六世

子周復

子齊廷
侍郎

六世

承訓
周復

右見

左司諫○高麗穆宗改
左右補闕爲左右司諫
秩六品○按麗史李周
佐慶州人穆宗朝登第
官刑部尙書似是公之
兄弟行而譜牒無

七世

子僞

補祚功臣門下侍中舊
譜官司錄補祚功臣似
是贈職○按載寧李氏
譜李禹僞左司諫周復
之子門下侍中封載寧
君爲始祖云即公兄弟

八世

子修連

以子侍中之貴當有贈
職而舊譜闕而不錄

九世

子寵暹

門下侍中○高麗成宗
置門下秩二品

十世

子春貞

順興府使順興今金海
府

十一世

子玄福

左見

子春林

侍郎
孫存
子祿千尙書○祿千八世
吾右正言號石灘亭書院
諡景節享太宗廟庭
存吾子來鷄城府院君